

SA's Leading Past Year

Exam Paper Portal



You have Downloaded, yet Another Great  
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



**SA EXAM  
PAPERS**



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KREITI YA 12**

**SEPEDI LELEME LA GAE (HL)**

**LEPHEPHE LA BORARO (P3)**

**DIBOKWANE/HLAKOLA 2016**

**MEMORANTAMO**

**MEPUTSO: 100**

**Palomoka ya matlakala a memorantamo ke 10.**

**ELA HLOKO:**

- Diriša rubriki ye ge o swaya ditaodišo (Lephephe la 3, KAROLO YA A).
- Meputso ya 0–50 e arotšwe ka magato a mahlano a ditlhalošo.
- Mo go diteng legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- Sebopego ga se sa arolwa ka legato la godimo le la fase.

**RUBRIKI YA GO SWAYA DITAODIŠO TŠA SEPEDI LELEME LA GAE [MEPUTSO YE 50]**

| Dinyakwa                                                                                                                                                                |                         | Bokgoni bja go ikgetha                                                                                                                                                                                                                          | Bokgoni bja maemo                                                                                                                                                                                                       | Bokgoni bja magareng                                                                                                                                                                                                                                   | Bokgoni bja motheo                                                                                                                                                                         | Ga go bokgoni                                                                                                                                                                                            |
|-------------------------------------------------------------------------------------------------------------------------------------------------------------------------|-------------------------|-------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------|
| <b>DITENG LE PEAKANYO</b><br>(Go araba dipotšišo le dikgopolo)<br>Tatelano ya dikgopolo ge go dirwa peakanyo.<br>Temogo ya morero, baamogedi ba tshedimošo le dikamano. | <b>Legato la godimo</b> | <b>27–30</b><br>-Bokgoni bja go araba potšišo ke bja maemo a godimodimo.<br>-Dikgopolo tše bohlale tša go tšwa mahlalagading.<br>-Bokgoni bja maemo a godimo bja go beakanya le go tlemaganya dikgopolo go akaretšwa matseno, mmele le mafetšo. | <b>22–23</b><br>-Potšišo e arabilwe gabotsebotse.<br>-Dikgopolo di kgahliša kudu ebile di sepelelana le hlogo/sererwa.<br>-Peakanyo le tlemagano ya dikgopolo ke tše botsebotse go akaretšwa matseno, mmele le mafetšo. | <b>15–17</b><br>-Karabo e a kgotsofatša.<br>-Dikgopolo di tlemagane ebile di a kgodiša.<br>-Peakanyo le tlemagano ya dikgopolo ke tše kaone go akaretšwa matseno, mmele le mafetšo.                                                                    | <b>9–11</b><br>-Tlemagano ya dikgopolo ga se ya maleba.<br>-Dikgopolo ga di tšwelele gabotse ebile ga di bontšhe boitlhamelo.<br>-Tatelano le tlemagano ya dikgopolo di tšwelela gannyane. | <b>3–5</b><br>-Molekwa o tšwele tseleng kudukudu.<br>-Dikgopolo di hlakahlakane ebile ga di nepiše.<br>-Dikgopolo ga di nepiše hlogo ebile di a ipoeletša.<br>-Ga go tatelano le tlemagano ya dikgopolo. |
| <b>MEPUTSO YE 30</b>                                                                                                                                                    | <b>Legato la fase</b>   | <b>24–26</b><br>-Bokgoni bja go araba potšišo ke bja maemo a godimodimo.<br>-Dikgopolo tše bohlale tša go tšwa mahlalagading.<br>-Bokgoni bja maemo a godimo bja go beakanya le go tlemaganya dikgopolo go akaretšwa matseno, mmele le mafetšo. | <b>18–21</b><br>-Potšišo e arabilwe gabotse.<br>-Dikgopolo di a kgahliša ebile di sepelelana le hlogo/sererwa.<br>-Peakanyo le tlemagano ya dikgopolo ke tše botse go akaretšwa matseno, mmele le mafetšo.              | <b>12–14</b><br>-Potšišo e arabilwe ka mo go kgotsofatšago eupša ga se ya hlaka gabotse.<br>-Tlemagano ya dikgopolo e a kgotsofatša ebile e a kgodiša.<br>-Peakanyo le tlemagano ya dikgopolo di a kgotsofatša go akaretšwa matseno, mmele le mafetšo. | <b>6–8</b><br>-Molekwa o tšwele tseleng.<br>-Dikgopolo di hlakahlakane.<br>-Ga go peakanyo goba tlemagano ya dikgopolo yeo e tšwelelago.                                                   | <b>0–2</b><br>-Ga go bolelwe selo ka hlogo yeo e filwego.<br>-O tšwele tseleng kudukudu.<br>-Ga go nepiše ebile dintlha di hlakahlakane.                                                                 |

**RUBRIKI YA GO SWAYA DITAODIŠO TŠA SEPEDI LELEME LA GAE [MEPUTSO YE 50] (e tšwela pele)**

| Dinyakwa                                                                                                                                                                                                                                 |                  | Bokgoni bja go ikgetha                                                                                                                                                                                                                                                                                                                                                                          | Bokgoni bja maemo                                                                                                                                                                                                                              | Bokgoni bja magareng                                                                                                                                                                                                                         | Bokgoni bja motheo                                                                                                                                                                                              | Ga go bokgoni                                                                                                                                                                                                         |
|------------------------------------------------------------------------------------------------------------------------------------------------------------------------------------------------------------------------------------------|------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------|
| <b>POLELO, MONGWALELO LE PALOBOHLATSE</b><br><br>Segalo, retšistara, mongwalelo, tlotlontšu ya maleba ya morero le dikamano. Kgetho ya mantšu. Tirišo ya polelo le melawana, maswao, popopolelo le mopeleto.<br><br><b>MEPUTSO YE 15</b> | Legato la godimo | <b>14–15</b>                                                                                                                                                                                                                                                                                                                                                                                    | <b>11–12</b>                                                                                                                                                                                                                                   | <b>8–9</b>                                                                                                                                                                                                                                   | <b>5–6</b>                                                                                                                                                                                                      | <b>0–3</b>                                                                                                                                                                                                            |
|                                                                                                                                                                                                                                          |                  | -Segalo, retšistara, setaele le tlotlontšu di sepelelana kudukudu le morero, baamogedi le dikamano.<br>-Polelo ke ya boitshepo, ya go nona, ya maatlakgogedi.<br>-Polelo e na le segalo sa go ba le maatlakgogedi ebile e nonne ka mebolelwana ya go kgahliša.<br>-Ga go na le ge e ka ba phošwana e tee ya popopolelo le mopeleto.<br>-Polelo e beakantšwe ka bokgwari bja maemo a godimodimo. | -Segalo, retšistara, setaele le tlotlontšu di sepelelana gabotsebotse le morero, baamogedi le dikamano.<br>-Polelo ye maatlā, ya segalo sa maleba.<br>-Diphošo tša popopolelo le mopeleto ga se tše kae.<br>-Polelo e beakantšwe gabotsebotse. | -Segalo, retšistara, setaele le tlotlontšu di sepelelana gabotse le morero, baamogedi le dikamano.<br>-Tirišo ya maleba ya polelo e dira gore molaetša o kwagale.<br>-Segalo ke sa maleba.<br>-Mebolelwana e dirišitšwe go tšweletša diteng. | -Segalo, retšistara, setaele le tlotlontšu di sepelelana gannyane le morero, baamogedi le dikamano.<br>-Tirišo ya polelo ke ya motheo.<br>-Segalo le mošito ga se tša maleba.<br>-Tlotlontšu ke ye nnyane kudu. | -Polelo ga e kwešišagale.<br>-Segalo, retšistara, setaele le tlotlontšu ga di sepelelane le morero, baamogedi le dikamano.<br>-Tlotlontšu ke ye nnyane kudukudu moo e lego gore e dira gore ditaba di se kwešišagale. |
|                                                                                                                                                                                                                                          | Legato la fase   | <b>13</b>                                                                                                                                                                                                                                                                                                                                                                                       | <b>10</b>                                                                                                                                                                                                                                      | <b>7</b>                                                                                                                                                                                                                                     | <b>4</b>                                                                                                                                                                                                        |                                                                                                                                                                                                                       |
|                                                                                                                                                                                                                                          |                  | -Polelo ya maemo a godimodimo ya go ba le segalo se maatlā.<br>-Ga go na le ge e ka ba phošwana e tee ya popopolelo goba mopeleto.<br>-Polelo e beakantšwe ka bokgwari.                                                                                                                                                                                                                         | -Polelo ke ya maemo a godimo ya go ba le maatlakgogedi.<br>-Segalo ke sa maleba sa go ba le maatlakgogedi.<br>-Diphošwana tše nnyane tša popopolelo le mopeleto.<br>-Polelo e beakantšwe gabotse.                                              | -Tirišo ya polelo e a kgotsofatša eupša e na le diphošo.<br>-Segalo se a kgotsofatša eupša mebolelwana ga se ya dirišwa o kaalo.                                                                                                             | -Polelo ga e kgotsofatše.<br>-Ga go phapantšho ya mafoko.<br>-Tlotlontšu ga se ye kaalo.                                                                                                                        |                                                                                                                                                                                                                       |

**RUBRIKI YA GO SWAYA DITAODIŠO TŠA SEPEDI LELEME LA GAE [MEPUTSO YE 50] (e tšwela pele)**

| Dinyakwa                                                                                                 |  | Bokgoni bja go ikgetha                                                                                                                                                                            | Bokgoni bja maemo                                                                                                                                                                                                     | Bokgoni bja magareng                                                                                             | Bokgoni bja motheo                                                                          | Ga go bokgoni                                                                                        |
|----------------------------------------------------------------------------------------------------------|--|---------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------|---------------------------------------------------------------------------------------------|------------------------------------------------------------------------------------------------------|
| <b>SEBOPEGO</b>                                                                                          |  | <b>5</b>                                                                                                                                                                                          | <b>4</b>                                                                                                                                                                                                              | <b>3</b>                                                                                                         | <b>2</b>                                                                                    | <b>0–1</b>                                                                                           |
| Dinyakwa/<br>Dipharologantšho<br>tša setšweletšwa.<br>Tšwetšopele ya<br>ditemana le tlhamo<br>ya mafoko. |  | -Tšwetšopele ya sererwa<br>ke ya maemo a<br>godimodimo.<br>-Tlhalošo ya dikgopolo ke<br>ya maemo a godimodimo.<br>-Tlhamo ya mafoko le<br>ditemana ke ya go<br>ikgetha, ya maemo a<br>godimodimo. | -Tatelano ye botse ya<br>tšwetšopele ya dintlha.<br>-Tlemagano ye botse ya<br>dintlha le dikgopolo.<br>-Mafoko le ditemana di<br>beakantšwe ka<br>makgethe.<br>-Dintlha le dikgopolo di<br>beakantšwe ka<br>makgethe. | -Dintlha tša maleba di<br>tšweleditšwe.<br>-Mafoko le ditemana di<br>hlamegile gabotse.<br>-Taodišo e a kwagala. | -Mafoko le ditemana di<br>na le diphošo.<br>-Taodišo e a kwagala<br>eupša e na le mafokodi. | -Dintlha tša maleba ga di<br>gona.<br>-Mafoko le ditemana di<br>fošagetše.<br>-Taodišo ga e kwagale. |
| <b>MEPUTSO YE 5</b>                                                                                      |  |                                                                                                                                                                                                   |                                                                                                                                                                                                                       |                                                                                                                  |                                                                                             |                                                                                                      |
| <b>KABO YA<br/>MEPUTSO</b>                                                                               |  | <b>43–50</b>                                                                                                                                                                                      | <b>33–40</b>                                                                                                                                                                                                          | <b>23–30</b>                                                                                                     | <b>13–20</b>                                                                                | <b>0–10</b>                                                                                          |

**RUBRIKI YA GO SWAYA DITŠWELETŠWA TŠE TELELE TŠA TIRIŠANO TŠA SEPEDI LELEME LA GAE [MEPUTSO YE 25]**

| <b>Dinyakwa</b>                                                                                                                                                                                                 | <b>Bokgoni bja go ikgetha</b>                                                                                                                                                                                                                                                                                                                                                                                                                     | <b>Bokgoni bja maemo</b>                                                                                                                                                                                                                                                                                                                                                   | <b>Bokgoni bja magareng</b>                                                                                                                                                                                                                                                                                                                                         | <b>Bokgoni bja motheo</b>                                                                                                                                                                                                                                                                                                                                                                                                      | <b>Ga go bokgoni</b>                                                                                                                                                                                                                                                               |
|-----------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>DITENG, PEAKANYO LE SEBOPEGO</b><br><br>(Go araba dipotšišo le dikgopolo)<br>Tatelano le peakanyo ya dikgopolo.<br>Morero, baamogedi, dinyakwa/ dipharologantšho le dikamano.<br><br><b>MEPUTSO YE 15</b>    | <b>13–15</b><br>-Bokgoni bja go araba potšišo ke bja maemo a godimodimo go fetiša.<br>-Dikgopolo ke tše bohlae tša go tšwa mahlalagading.<br>-Tsebo ye e tseneletšego ya dinyakwa tša mohuta wa setšweletšwa.<br>-Ditaba di nepiša setšweletšwa thwii.<br>-Tlemagano ya diteng le dikgopolo ke ya maemo a godimo.<br>-Tlhalošo ya ditaba ke ya maemo a godimo ebile e thekga sererwa.<br>-Sebopego ke sa maleba sa go sepelelana le setšweletšwa. | <b>10–12</b><br>-Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa.<br>-Ditaba di nepiša setšweletšwa.<br>-Molekwa ga se a tšwa tseleng.<br>-Tlemagano ya diteng le dikgopolo ke ye botse.<br>-Tlhalošo ya ditaba ke ye botse ebile e thekga sererwa.<br>-Sebopego ke sa maleba eupša se na le diphošwana di se kae. | <b>7–9</b><br>-Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa.<br>-Go na le nepišo eupša go na le go tšwa tseleng gannyane.<br>-Tlemagano ya dikgopolo le dikamano e a kgotsofatša.<br>-Tlhalošo ya ditaba e a kgotsofatša ebile e thekga sererwa.<br>-Sebopego ke sa maleba eupša se na le diphošo tše dintšinyana. | <b>4–6</b><br>-Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa.<br>-Go na le nepišo ye nnyane ya setšweletšwa eupša go na le go tšwa tseleng.<br>-Tlemagano ya diteng le dikgopolo ga se ye kaalo.<br>-Tlhalošo ya ditaba ke ya motheo ebile e thekga sererwa gannyane.<br>-Ga se a šomiša melao ya sebopego ka tshwanelo.<br>-Go tlogetšwe dintlha tše bohlokwa. | <b>0–3</b><br>-Karabo ga e laetše tsebo le ye nnyane ya mohuta wa setšweletšwa.<br>-Molaetša ga o tšwelele gabotse ka ge molekwa a tšwele tseleng kudukudu.<br>-Ga go tlemagano ya diteng le dikgopolo.<br>-Ditaba di hlalošwa gannyane.<br>-Sebopego sa setšweletšwa ga se sona.  |
| <b>POLELO, SETAELE LE PALOBOHLATSE</b><br><br>Segalo, retšistara, setaele, morero, baamogedi le dikamano.<br>Tirišo ya polelo le melawana.<br>Kgetho ya mantšu, maswao le mopeleto.<br><br><b>MEPUTSO YE 10</b> | <b>9–10</b><br>-Segalo, retšistara, setaele le tlotlontšu di sepelelana gabotsebotse le morero, baamogedi le dikamano.<br>-Polelo e nepagetše ebile e hlamegile gabotse.<br>-Ga go na le ge e ka ba phošo e tee.                                                                                                                                                                                                                                  | <b>7–8</b><br>-Segalo, retšistara, setaele le tlotlontšu di sepelelana gabotse le morero, baamogedi le dikamano.<br>-Polelo ga e na diphošo tša popopolelo ebile e hlamegile gabotse.<br>-Tlotlontšu ke ye ntši.<br>-Gantši ga go diphošo.                                                                                                                                 | <b>5–6</b><br>-Segalo, retšistara, setaele le tlotlontšu di sepelelana le morero, baamogedi le dikamano.<br>-Diphošo tša popopolelo ga se tše ntši.<br>-Tlotlontšu ke yeo e lekanetšego.<br>-Diphošwana tše di lego gona ga di fetoše molaetša.                                                                                                                     | <b>3–4</b><br>-Segalo, retšistara, setaele le tlotlontšu ga di sepelelane gabotse le morero, baamogedi le dikamano.<br>-Popopolelo ga se yeo e nepagetšego ebile e tletše ka diphošo.<br>-Tlotlontšu ga se ye ntši.<br>-Molaetša o a tšwelela eupša o arošitšwe.                                                                                                                                                               | <b>0–2</b><br>-Segalo, retšistara, setaele le tlotlontšu ga di sepelelane le morero, baamogedi le dikamano.<br>-Sengwalo se tletše ka diphošo ebile se hlakahlakane.<br>-Tlotlontšu yeo e lego gona ga e sepelelane le morero le gannyane.<br>-Molaetša ga o tšwelele le gannyane. |
| <b>KABO YA MEPUTSO</b>                                                                                                                                                                                          | <b>22–25</b>                                                                                                                                                                                                                                                                                                                                                                                                                                      | <b>17–20</b>                                                                                                                                                                                                                                                                                                                                                               | <b>12–15</b>                                                                                                                                                                                                                                                                                                                                                        | <b>7–10</b>                                                                                                                                                                                                                                                                                                                                                                                                                    | <b>0–5</b>                                                                                                                                                                                                                                                                         |

**KAROLO YA A: DITAODIŠO****POTŠIŠO YA 1****Ditaodišo tšeo di botšišitšwego.****1.1 Taodišokanegelo**

le

**1.7.1 Tlhalošo**

Yona e laodiša kanegelo goba tiragalo ye e fetilego. E ka ngwalwa go tšwa lehlakoreng le lengwe le le lengwe.

**Tšeo di swanetšego go hlokomelwa ge go ngwalwa taodišo ya go anegwa:**

- Kanegelo e swanetše go kgodiša le ge e theilwe godimo ga nonwane.
- Gantši taodišo ye e ngwalwa ka lebaka le le fetilego.
- Ditemana tša matseno di swanetše go tanya šedi ya mmadi.
- Kanegelo ge e le ye botse e swanetše go ba le ntlha ye e e laetšago.
- Thumo ya moswananoši ya go kgahliša e swanetše go kgotsofatša.
- Kgahlego ya mmadi e swanetše go lotwa go fihla mafelelong.
- Taodišo ya go anega gantši e na le mokgwa wa go hlaloša.

**[50]****1.2 Taodišotlhalošo**

le

**1.7.2 Tlhalošo**

Ka taodišotlhalošo, mongwadi o hlaloša selo se sengwe gore mmadi a kgone go itemogela sona. Motho goba selo se sengwe di ka hlalošwa.

**Tšeo di swanetšego go hlokomelwa ge go ngwalwa taodišo ye:**

- Mongwadi o swanetše go hlagiša seswantšho ka mantšu.
- Go kgethwa mantšu le dikgopolo ka tlhokomelo gore go fihlelelwe seo se nyakegago.
- Dikakanyo malebana le go bona, go kwa, go kgwatha, modumo le tatso di ka šomišwa go dira gore tlhalošo e kwešišege.
- Dikapolelo di dirišwe ka tsela ya maleba.
- Go swanetše go ba le boitemogelo bja hlogo yeo go ngwalwago ka yona.

**[50]****1.3 Taodišokgadimo/Taodišokeleletšo/Taodišokgopodišišo****Tlhalošo**

Taodišokgopodišišo e hlagiša dikgopolo tša mongwadi le maikutlo ka sererwa se se itšego. Gantši e lebantšhitše tiragalo yeo e diregilego nakong ye e fetilego. E ngwalwa ka lebaka le le fetilego ka motho wa boraro.

**[50]**

1.4 **Taodišongangišano**

le

1.6 **Tihalošo**

Ka taodišongangišano mongwadi o na le kgopolo ye e itšego goba ntlhakemo gomme o fa dintlha tša go fahlela goba go thekga maemo a gagwe. Kgopolo ya mongwadi e swanetše go kwešišega taodišong ka moka. Ka taodišo ye mongwadi o leka go jabetša goba go fekeetša mmadi gore a kwane le kgopolo ya gagwe.

**Tšeo di swanetšego go hlokomelwa ge go ngwalwa taodišongangišano:**

- Thoma ka go laetša kgopolo ya gago ka tsela ya maatlakgogedi mabapi le hlogo.
- Efa dintlha tša go fahlela kgopolo ya gago le go thekga seo.
- Mongwadi o tla tsepelela dintlha tša go ganetša pego.
- Bjalo ka mongwadi wa taodišo, tšweletša dikgopolo tše maatla ka ge taodišo ye e ama maikutlo a gago.
- Ditlabelo tša makgethe le tsebo ya go kgodiša di swanetše go šomišwa.
- Polelo e swanetše go ba ye maatla gore e hlohle maikutlo a mmadi.
- Hlokomela gore polelo e se be ye mpe.
- Thumo le yona e swanetše go ba ye maatla, ya go kwala le go kgodiša.

**[50]**1.5 **Taodišokahlaahlo****Tihalošo**

Taodišo ye ga e na maikutlo a mongwadi. Yona e leka go tšweletša mahlakore a mabedi a poledišano ka go lekana. Mongwadi o hlokomela dintlha tša go fapana tša hlogo ye gomme o hlagiša dikgopolo tša go fapana ntle le go tšea lehlakore. Mongwadi a ka ba le thumo ye e itšego mafelelong a taodišo, eupša dintlha tša go thekga goba go ganetša di swanetše go lekalekana le go kwagala.

**Tšeo di swanetšego go hlokomelwa taodišong ye:**

- Mongwadi o swanetše go kwešiša le go lebeledišiša mahlakore a mabedi a taodišo ntle le go tšea lehlakore.
- Taodišo e swanetše go kwagala le go ikema ka dintlha. Seo se ra gore e se huetšwe ke maikutlo a mongwadi.
- Dikahlaahlo e be tša moya wo o fodilego, tša go naganwa gabotse le go thekgwa ka tshwanelo.
- Segalo e be sa go hloka khuduego eupša e be seo se kgodišago sa go hloka lenyatšo.
- Mongwadi a ka fa maikutlo a gagwe mafelelong a taodišo eupša seo e se be thumo ya taodišo.

**[50]****PALOMOKA YA KAROLO YA A:****50**

**KAROLO YA B: DITŠWELETŠWA TŠA TIRIŠANO****POTŠIŠO YA 2****2.1 Lengwalo la segwera**

Go tšweletšwe dintlha tše di latelago:

- Sebopego le botelele e be tša maleba.
  - Atrese e tee fela ya mongwadi/moromedi.
  - Letšatšikgweri le ngwalwe ka fase ga atrese.
  - Madume/Matseno a makopana a maleba.
  - Retšistara le polelo ya go hlomphele le go laetša boitsholo.
  - Tšhomišopolelo, tlotlontšu le maswaodikga e be tše di nepagetšego.
  - Mafelelo e be boitsebišo bja mongwadi ka mokgwa wa setlwaedi.
- Mohlala: Ke nna/Wa lena/Morwa wa lena/Morwedi wa lena Mosima.

**[25]****2.2 Lengwalo la semmušo**

Go tšweletšwe dintlha tše di latelago:

- Sebopego le botelele e be tša maleba.
- Atrese ya mongwadi/moromedi.
- Atrese ya moamogedi/moromelwa.
- Madume/Matseno le hlogo ya taba.
- Diteng e be tša maleba tša go laetša boipelaetšo.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego.
- Mafelelo le leina.

Mohlala: Wa lena/Ka boikokobetšo.

Mna./Mdi. Maleka.

**[25]****2.3 Tša bophelo bja mohu**

Go tšweletšwe dintlha tše di latelago:

- Leina le sefane sa mohu.
- Batswadi ba mohu.
- Lefelo leo mohu a belegetšwego go lona.
- Letšatši la matswalo a mohu.
- Dithuto tše mohu a di fihleletšego (ge go tsomega).
- Tša merero ya mošomo.
- Ditiro tše botse le tša go kgahliša tše mohu a gopolwago ka tšona.
- Letšatši leo a hlokoletšego ka lona.
- Seo se hlotšego lehu la gagwe.
- Maina a meloko ya kgauswi yeo mohu a e tlogetšego.
- Lefoko la taelo. Mohlala: Mohu a ka laelwa ka sereto (ge go tsomega).
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego.

**[25]**

## 2.4 Pego

Go tšweletšwe tše di latelago:

- Go be le hlogo, matseno, mmele le mafelelo.
- Ngwala ka motho wa bobedi.
- Ngwala ka lebaka le le fetilego.
- Mahlaodi le mantšu ao a tsošago maikutlo go tšweletša dikgopolo.
- Retšistara le polelo e be tša maleba.
- Tšhomišopolelo, tlotlontšu le maswaodikga e be tše di nepagetšego.
- Diteng di be mabapi le tekanyetšokabo ya tšhelete yeo e kgopetšwego le gore e tla šomišwa bjang go lebeletšwe moletlo wa batšofadi ba kerekeng.

[25]

## 2.5 Lenaneothero le metsotso

Go tšweletšwe tše di latelago:

### Lenaneothero

- E be kakaretšo ya tše di tlogo ahlaahlwa kopanong.
- Go beakanywe dihlogo tša lenaneothero go ya ka bohlokwa bja tšona e sa le nako.
- Gore tshepedišo e be ya maleba, hlogo ye nngwe le ye nngwe e abelwe nako.

### Metsotso

- Thoma ka go ngwala tše di latelago:
  - Leina la mokgatlo.
  - Letšatšikgwedi, lefelo le nako yeo kopano e swerwego ka yona.
  - Pulo le kamogelo.
  - Maina a maloko ao a tlilego.
  - Maina a maloko ao a kgopetšego tshwarelo.
- Palo ya metsotso ya go feta le kamogelo.
- Ditaba go tšwa metsotsong.
- Ngwala tše di diregilego kopanong.
- Tsopola tše go kwanwego ka tšona ntšu ka ntšu.
- Efa kakaretšo ya tše di šišintšwego le gore mafelelong go kwanwe bjang.
- Ngwala ka lebaka le le fetilego.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego.

[25]

**2.6 Poledišano**

Go tšweletšwe tše di latelago:

- Poledišano gare ga batho ba babedi. Mohlala: Gare ga motho wa go fa bohlatse le lephodisa.
- Go ngwalwe ditšhielano bjalo ka ge di direga thwii go tšwa go ntlhatebelelo ya seboledi.
- Diteng di utolle bohlatse le tiragalo ya go utswiwa ga sefatanaga.
- Maina a diboledi a laetšwe ka lehlakoreng la ngele la letlakala gomme go latele leswao la kgorwana.
- Šomiša motholadi wo mofsa go laetša seboledi se sengwe le se sengwe se sefsa.
- Ditiragalo di laetšwe ka mašakaneng go fa babadi tshedimošo ka seo se tlogo direga.
- Thalathala tatelano ya ditiragalo pele o ngwala.
- Retšistara le polelo e be tša semmušo.
- Tšhomišopolelo, tlotlontšu le maswaodikga e be tše di nepagetšego.

**[25]**

**PALOMOKA YA KAROLO YA B (2 x 25):**  
**PALOMOKA YA TLHAHLOBO:**

**50**  
**100**